


Datum: 26.06.2002. godine			
Org. jed.	Broj	Prilog	Vrijednost
	01/5-011-683/02		


BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM

Komisija za ljudska prava, imigraciju, izbjeglice i azil
Broj: 01/5-011-683/02.
Sarajevo, 19.06.2002. godine.

ZAPISNIK

Sa 18. sjednice Komisije za ljudska prava, imigraciju, izbjeglice i azil održane 19.06.2002. godine sa početkom u 10 sati.

Osamnaestoj sjednici Komisije prisustvovali su:

- Brka Osman, predsjedatelj komisije,
- Jovanović Miloš, zamjenik predsjedatelja komisije,
- Grabovac Miro, zamjenik predsjedatelja komisije,
- Osmanović Bahrija, član Komisije,
- Cuplov Mustafa, član Komisije
- Dr. sc. doc. Franjo Mjadandžić, član Komisije,
- Kamberović Violeta, član Komisije
- Filipović Omer, član Komisije.

Odsustvovao je Stokić Dušan, zbog smrtnog slučaja u porodici.

Na sjednicu su pozvani predstavnici sveučilišta u Bosni i Hercegovini u svojstvu članova proširenog Organizacionog odbora Okruglog stola «Jačanje parlamentarnog angažiranja u zaštiti ljudskih prava u Bosni i Hercegovini» ali se pozivu nisu odazvali osim g-de Rajke Đerić sa Univerziteta Srpsko Sarajevo.

Sjednici su prisustvovali službenici Misije OSCE BiH g-dica Marshaili Frasier i Niall Johnston.

Za sjednicu je usvojen slijedeći:

DNEVNI RED:

07. Usvajanje zapisnika sa 17. sjednice Komisije,
08. Informiranje i ocjena o toku i porukama Okruglog stola «Jačanje parlamentarnog angažiranja u zaštiti ljudskih prava u Bosni i Hercegovini» održanog 07.-09. 06.2002. godine
09. Daljnja aktivnost na posjetama općinama u Bosni i Hercegovini,
10. Obračanja institucija i pojedinaca Komisiji,
11. Tekuća pitanja.

Ad – 1 Usvajanje zapisnika sa 17. sjednice Komisije.

Nakon usvajanja dnevnog reda, predsjedatelj Osman Brka je ukazao na dobar odziv članova ovoj sjednici, kao i ranijim sjednicama Komisije. Ujedno je ukazao na prisustvo službenika iz OSCE-BiH. Predložio je diskusiju i usvajanje zapisnika sa 17. sjednice. O zapisniku nije bilo rasprave.

Kako nije bilo rasprave, predsjedavajući Komisije je predložio usvajanje zapisnika, pa je Komisija jednoglasno usvojila Zapisnik s 17. sjednice Komisije.

Ad – 2 Informiranje i ocjena o toku i porukama Okruglog stola «Jačanje parlamentarnog angažiranja u zaštiti ljudskih prava u Bosni i Hercegovini» (u daljem tekstu: Okrugli sto) održanog 07.-09. 06.2002. godine

U uvodnom izlaganju za drugu točku dnevnog reda, predsjedatelj Osman Brka je ukazao na osnovne aktivnosti koje su se do sada odvijale po pitanju organizacije Okruglog stola kao i na poruke i zaključke Okruglog stola koji je održan u predviđenom terminu, i to od 07. do 09.06.2002. godine. Predsjedatelj je hronološki prikazao aktivnosti na organiziranju Okruglog stola, posebno ističući slijedeće aktivnosti:

- Okrugli stol je dio Programa «Projekt podrške Parlamentu», a provodi ga Misija OSCE u BiH i ova Komisija.
- Pismeni materijal sa naslovom «Ljudska prava i dejtonski ugovor» sačinjen je 08.01.2002. godine. Tada je sačinjen i Okvirni program za organiziranje Okruglog stola.
- Dana 27.03.2002. godine na 15. sjednici Komisije između ostalih bila je i tačka dnevnog reda: «Konsultacije za pripremu organiziranja Okruglog stola...».
- Organizacioni odbor, sačinjen od članova Komisije, predstavnika sveučilišta u Bosni i Hercegovini i predstavnika medija utvrđen je 03.04.2002. godine. Osim članova Komisije i sekretara Komisije, činili su ga i predstavnici sveučilišta u Bosni i Hercegovini, koji su delegirali slijedeće svoje predstavnike:

Univerzitet u Tuzli	Prof.dr. Enver Halilović
Univerzitet u Mostaru «Džemal Bijedić»	Mr. Mirjana Nadaždin-Defterdarević
Univerzitet u Bihaću	Doc.dr. Gene Trnavci
Univerzitet u Srpskom Sarajevu	Đerić Rajka
Univerzitet u Sarajevu	Bez predstavnika
Sveučilište u Mostaru	Mr. sc. Mile Lasić
Univerzitet u Banja Luci	Bez predstavnika

- Nacrt programa utvrdio OSCE i dostavio Komisiji 08.05.2002. godine.
- Komisija se Kolegiju Parlamentarne skupštine obratila dana 06.06.2002. za djelimičnu participaciju u finansiranju, ali do danas nije dobila odgovor.
- Okruglom stolu su se obratili i zahvalili se na pozivu, ali i pravdali svoj nedolazak slijedeći pozvani gosti:
 - Ambasador R. Turske g. Ahmet Erozan, 21.05.2002. godine,
 - Ambasador R. Njemačke g. Hans Jochen Peters 23.05.2002.

- Predsjednik NS RS dr. Dragan Kalinić 24.05.2002.
 - Predsjednik Federacije BiH prof.dr. Satet Halilović,
 - Premijer F BiH, dr. Alija Behmen,
 - Odbor za društveni položaj žene i ravnopravnost među spolovima, g-đa Desanka Radević, 07.06.2002.
 - Poslanica u F BiH g-da G-da Hafeza Sabljaković 07.06.2002.
- Pismo zahvalnosti koncipirano i poslano 30.05.2002. godine.
- U cilju promocije održavanja Okruglog stola, održane dvije tiskovne konferencije i to:
- 31.05.2002. godine i
 - 09.06.2002. godine.
- Ukupno pozvanih učesnika sa uvodničarima je 220, a konačno potvrđenih i prijavljenih kod nas 91 i Misije OSCE BiH 20.

Uvodničari:

13.	Prof. dr. Mustafa Imamović
14.	Prof. dr. Ismet Grbo
15.	Prof. dr. Omer Ibrahimagić
16.	Prof. dr. Kasim Trnka
17.	Mr. Sc. Mile Lasić,
18.	Prof. dr. Sc. Božo Žepić,
19.	G-đa Vera Jovanović
20.	Dr. Zijad Hasić
21.	G. Ahmed Žilić
22.	G-đa Branka Kolar-Mijatović
23.	G. Mahmut Alagić
24.	G-đa Fedra Idžaković

Od stranih učesnika bili su slijedeći:

1.	Uvodne napomene je dao ambasador Robert Beecroft, šef Misije OSCE BiH
2.	Lord John Alderdice
3.	Ingeborg Schwarz,
4.	Prof. David Feldman
5.	Laszlo Surjan
6.	Nicolaus Schwarzlerf
7.	Ambasador Mathias Sonn

Na kraju je istakao svoje lične utiske, smatrajući da je Okrugli stol uspješno organiziran i da će njegove poruke imati dalekosežne učinke. On je prvi organizirani i uspješni Okrugli stol u posljednjih 7 godina u radu Parlamentarne skupštine BiH. Od propusta načinjenih na Okruglom stolu istakao je okolnost da glavni natpis u sali nije bio ispisan i ćirilčnim pismom, a u svome uvodnom izlaganju, nije predstavio Komisiju, koja je i organizator ovog stola. Istakao je okolnost da će se od radova izlagača i diskutantata izraditi posebna knjiga koja će ostati kao dokaz organizacije Okruglog stola i afirmacije ljudskih prava putem parlamentarizma.

U diskusiji koja je uslijedila, učešće su uzeli prisutni članovi Komisije, kao i gost iz OSCE-a.

G-đa Violeta Kamberović je istakla da je organizacija Okruglog stola kvalitetno urađena, a što je u svojoj svrsi uspio.

Dr. sc. Doc. Franjo Majdandžić, iako nije bio na Okruglom stolu, izrazio je svoje zadovoljstvo uspjehom stola, predlažući da se sačine zaključci i da se oni dostave i Predstavničkom domu i entitetskim skupštinama radi provođenja. Primijetio je da pri radu Komisije, koja je jako aktivna, nema predstavnika izvršne vlasti, te predložio da predstavnici Ministarstva za ljudska prava i izbjeglice budu prisutni u aktivnostima Komisije i da odmah provode u djelo njene zaključke. Ministarstvo ima 66 zaposlenih a od toga polovica su sa visokom stručnom spremom i kadrovski je osposobljeno da može po zaključcima Komisije postupati.

Članovi Komisije, g-đa Osmanović Bahrija o g. Mustafa Cuplov su izrazili zadovoljstvo nivoom održanog Okruglog stola.

G. Cuplov žali što institucije, koje se bave ljudskim pravima nisu masovnije bile na Okruglom stolu, pa ih u tome treba upozoriti. Okruglom stolu su se trebali odazvati pozvani značajniji ljudi, ljudi iz Predsjedništva BiH, jer je jedino bio g. Beriz Belkić, te ljudi iz entiteta BiH. Šteta je što ti ljudi nisu bili jer bi čuli dosta dobre, kulturne, edukativne i značajne opservacije o ljudskim pravima i parlamentarizmu.

G-đa Osmanović je iznijela svoje emocije posebno ističući potrebu formuliranja uputa i zaključaka Okruglog stola i potrebu njihove distribucije nadležnim organima. Predložila je da se uvodničari nagrade za svoj rad jer su vrlo iscrpno iznijeli problematiku.

G. Filipović je podržao konstataciju da je Okrugli sto bio dobro organiziran. Potuka stola je bila i treba je provoditi da stalno treba raditi na unapređenju ostvarivanja ljudskih prava i osnovnih sloboda u BiH.

Član Komisije i zamjenik predsjedatelja g. Miloš Jovanović je istakao da je i njegova ocjena da je Okrugli sto uspio. Bilo je uvodničara sa dobrim temama, a i onih koji su promašili temu.

Prisutni gost iz OSCE-a g. Johnston je istakao svoje zadovoljstvo perfektno organiziranim Okruglim stolom. Posebno je naglasio da će brošura imati originalne tekstove učesnika, kako uvodničara, tako i ostalih učesnika koji su dali doprinos organizaciji ovog Stola. Ukazao je na potrebu, u skorijoj budućnosti da se organizira okrugli sto sa medijima i njihovim izvještavanjem o ovim bitnim pitanjima. Okrugli sto ima svoja iskustva, koja mogu koristiti u daljem radu Komisije i Parlamentarne skupštine BiH. Prisutni gost, čovjek koji je veoma mnogo pomogao u realizaciji održavanja Okruglog stola je istakao činjenicu da ubrzo odlazi iz BiH, pa je zaželio sretan i konstruktivan budući rad Komisije.

Na kraju, zaključeno je sljedeće:

- organizacija i realizacija održavanja Okruglog stola je dobro urađena, a Okrugli stol će, svojim porukama i zaključcima afirmirati dalju zaštitu ljudskih prava i sloboda.
- Neophodno je sumirati zaključke okruglog stola i iste dostaviti nadležnim državnim organima radi njihove dalje razrade i provođenja. Sumiranje zaključaka i poruka izvršit će sekretar Komisije dr. Zijad Hasić.
- Zakazuje se nova sjednica Komisije za današnji dan, 26.06.2002. godine kada će Komisija utvrditi zaključke i dostaviti ih nadležnim institucijama.

- U realizaciji Okruglog stola finansijsku i svaku drugu pomoć dala je Misija OSCE BiH, posebno g. Niall Johnston, kojem se Komisija posebno zahvaljuje.

Ad-3. Daljnja aktivnost na posjetama općinama u Bosni i Hercegovini,

Predsjedatelj Komisije g. Osman Brka je u uvodu za ovu točku dnevnog reda istakao aktivnost Komisije i njenih članova, koja se ogleda u obilasku pojedinih regiona Bosne i Hercegovine. Predsjedavajući je prikazao hronologiju ove aktivnosti koja se provodi samo u ovoj Komisiji i samo u mandatu ove posljednje Komisije. Istakao je potrebu nastavka ove aktivnosti, tražeći da se članovi Komisije precizno izraze i očituju koje opravce sada obići i u koje vrijeme.

Nakon uvoda uslijedila je diskusija. U diskusiji su učestvovali prisutni članovi Komisije. Diskusija se odnosila uglavnom, na utvrđivanje pravaca daljeg obilaska i termina obilaska.

Dr.sc. doc.Franjo Majdandžioć je posebno istakao indolentan stav nadležnih organa na zaključke ove Komisije, te predložio da se to više ne tolerira i da se traži odgovornost tih organa u neprovođenju zaključaka Komisije.

O pionirskom poslu ove Komisije govorila je i g. Violeta Kamberović, tražeći da se nastvi njen posao rasdi generacija koje kasnije dolaze.

G Miro Grabovac je konkretno predložio obilazak pojedinih regiona, kao i g. Jovanović, g. Cuplov i g. Filipović

Nakon diskusije u kojoj su učestvovali i drugi članovi Komisije zaključeno je slijedeće:

- **podržava se dosadašnji rad Komisije na obilasku pojedinih regiona u Bosni i Hercegovini,**
- **sastav grupa za novi obilazak ostaje isti i to:**

Prva grupa u sastavu: Osman Brka, Violeta Kamberović i Miloš Jovanović posjetit će općine Kantona Sarajevo: Centar, Ilijaš i Ilidža, te općine Brčko i Odžak.

Druga grupa u sastavu: Miro Grabaovac – Titan, Cuplov Mustafa i Osmanović Bahrija posjetit će općine: Kiseljak, Jajce, Dobretić, Kupres, Tomislavgrad i Livno.

Treća grupa u sastavu Omer Filipović, Majdandžić Franjo i Stokić Dušan, posjetit će općine Teslić, Derventu, Prijedor i Sanski Most.

- **posjete izvršiti u periodu od 01-05.07.2002. godine,**
- **Nakonposjeta dostavit će se izvještaji, od kojih će se sačiniti zajednički koji će se uputiti Predstavničkom domu na usvajanje konkretno utvrđenih zaključaka.**

Ad-4- Obračanja institucija i pojedinaca Komisiji,

Za ovu točku dnevnog reda, prezentaciju obraćanja institucija i pojedinaca izvršio je tajnik Komisije dr. Zijad Hasić. Sekretar je istakao da su se Komisji u međuvremenu obraćali slijedeći pojedinci i grupe:

- Centar za žrtve torture Sarajevo-Most, koji traži veće učešće izvršnih organa Bosne i Hercegovine u realizaciji međunarodne Konvencije protiv mučenja i drugih nehumanih ili ponižavajućih postupaka ili kažnjavanja. Ova Komisija zatražila informaciju od Vijeća Ministara BiH.
- Alija Šator, predjednik OV Čapljina, za zaključke Komisije o obilascima. Upućena mu jedna informacija.
- Ministarstvo za izbjeglice nas obavijestilo da je tražilo informaciju o raspodjeli donacija R Hrvatske.


Ova tačka dnevnog reda je bila informativne prirode

Ad-5. **Tekuća pitanja**

Nije bilo pitanja za ovu tačku dnevnog reda.

Ovim je završena 18. sjednica Komisije.
Sjednica je završena u 12.00. sati.

TAJNIK KOMISIJE


Dr. Zijad Hasić

PREDSJEDATELJ KOMISIJE

Osman Brka
